



Usurbilgo Udala

2026/04/30

2026KO APIRILAREN 30EAN EGINDAKO OHIKO UDALBATZAREN BILKURAKO AKTA

BERTARATUAK

Alkate-Lehendakaria

Agurtzane Solaberrieta Mesa

Zinegotziak

Jon Mikel Azpiazu Zubeldia
Ainhoa Arrozpide Landa
Xabat Beloki Segurola
Iratxe Begiristain Otegi
Xabier Aranburu Leiva
Jose Maria Lizaso Azconobieta
Maialen Iñarra Arregi
Ivan Iriondo Axpe
Josune Urkola Larrarte
Petra Romero Pozo

Idazkaria: Leire Ucin Soraluze.

Kontu-hartzailea: Gorka Lizarraga Erro.

Ez dira bertaratu: Oskar Santamaria Picabea eta Xabier Otxoa Muñoz.

Usurbilen, 2026ko apirilaren 30ean arratsaldeko 18:00etan, Udaletxeko Pleno Aretoan, Usurbilgo Udaleko ohiko Udalbatza Plenoa egiteko goian adierazten direnak lehen deialdian bildu dira.

Bertaratuak bezala goian agertzen diren zinegotziak batzarkide direlarik, Agurtzane Solaberrieta Mesa izan da batzarburua.

Arratsaldeko 18:00etan batzarrari hasiera eman zaio.

1.- 2026KO MARTXOAREN 26KO BILKURAKO AKTA ONARTZEA.

Batzarkideek 2026ko martxoaren 26ko bilkurako akta aho batez onartu dute.

2.- ALKATETZAKO DEKRETU HAUEN BERRI EMATEA: 2026KO MARTXOAREN 23TIK APIRILAREN 17RA (2026/508-2026/650).



Usurbilgo Udala

2026/04/30

Alkatetzak 2026ko martxoaren 23tik apirilaren 17ra bitartean (2026/508-2026/650) egindako dekretuen berri eman zaie bertaratutakoei.

Zinegotziak jakinaren gainean geratu dira.

3.- 2026/570 DEKRETUAREN BERRI EMATEA: JARDUNEKO ALKATEAREN IZENDAPENA.

2026/570 dekretuaren berri eman da eta batzarkideak jakinaren gainean geratu dira.

4.- KONTU EMATEA: 1. HIRUHILEKO EXEKUZIOA.

2026ko Aurrekontuko 1. hiruhileko exekuzioaren kontu eman da eta batzarkideak jakinaren gainean geratu dira.

5.- KONTU EMATEA: 1. HIRUHILEKO OBBE.

2026ko Aurrekontuko 1. hiruhileko ordainketen batz besteko epearen kontu eman da eta batzarkideak jakinaren gainean geratu dira.

6.- KONTU EMATEA: 2024KO FISKALIZAZIO EKINTZA PLANAREN JARRAIPENA.

2024ko Fiskalizazio Ekintza Planaren jarraipenaren kontu eman da eta batzarkideak jakinaren gainean geratu dira.

7.- KONTU EMATEA: 2025EKO FISKALIZAZIO PLANA.

2025eko Fiskalizazio Planaren kontu eman da eta batzarkideak jakinaren gainean geratu dira.

8.- ORDENANTZA FISKALA ZERBITZUAK ESKAINI EDO UDAL JARDUERAK BURUTZEAGATIKO PREZIO PUBLIKOAK ARAUTZEN DITUEN ORDENANTZAREN ALDAKETA ONARTZEA. KIROLDEGIKO IKASTAROAK (2026EKOF0001).

Batzarkideek Antolaketa batzorde informatzailearen irizpena aztertu dute eta aho batez onartu dute, honela dio:

“Usurbilgo Udaleko 2026eko Ordenantza Fiskalak 2025ko abenduaren 13ko Gipuzkoako Aldizkari Ofizialean argitaratu ziren.



Usurbilgo Udala

2026/04/30

Kirol teknikariak, 2026eko apirilaren 16ean sinatutako txostenean, 2026eko 8. Ordenantza Fiskalaren aldaketa puntuala egitea proposatu du. Txostenean jasotzen dira zehaztasunak eta hauek dira proposatzen diren aldaketak:

- 1. aldaketa: Ikastaroetako prezioak eguneratzea (B1.5).
- 2. aldaketa: Prezio publiko berriak sortzea, ikastaro berrientzat: skatea, OKI (oreka, koordinazioa eta indarra), Emakumezkoei zuzendutako oinarrizko indar entrenamendua, Entrenamendu funtzionala (B1.5).

Antolaketa batzorde informatzaileak, 2026eko apirilaren 22ko bilkuran, gaia aztertu du eta aho batez onartu du. Honela izan da bozketa:

Alde: Iratxe Begiristain Otegi, Agurtzane Solaberrieta Mesa, Joxe Mari Lizaso Azkonobieta, Josune Urkola Larrarte eta Petra Romero Pozo.

2026ko apirilaren 22ko Antolaketa batzordearen irizpena kontutan hartuta, Udalbatzarrak honako erabakia hartu du aho batez:

ERABAKIA

Lehena: 2026eko Ordenantza fiskalen aldaketa hauek hasieraz onartzea:

- 1. aldaketa: Ikastaroetako prezioak eguneratzea (B1.5).
- 2. aldaketa: Prezio publiko berriak sortzea, ikastaro berrientzat: skatea, OKI (oreka, koordinazioa eta indarra), Emakumezkoei zuzendutako oinarrizko indar entrenamendua, Entrenamendu funtzionala. (B1.5).

Bigarrena: Ordenantza fiskalen aldaketa jendaurrean jartzea 30 lanegunez, dagokion iragarkia Gipuzkoako Aldizkari Ofizialean argitaratuz.”

Honela izan da bozketa:

Alde: Agurtzane Solaberrieta Mesa, Jon Mikel Azpiazu Zubeldia, Ainhoa Arrozpide Landa, Xabat Beloki Segurola, Iratxe Begiristain Otegi, Xabier Aranburu Leiva, Jose Maria Lizaso Azconobieta, Maialen Iñarra Arregi, Ivan Iriondo Axpe, Josune Urkola Larrarte eta Petra Romero Pozo.

Beraz, erabakia aho batez hartu da.

9.- KOBRAEZINAK DIREN ESKUBIDEEN BAJA ONARTZEA (2026EEGA0001).



Usurbilgo Udala

2026/04/30

Batzarkideek Antolaketa batzorde informatzailearen irizpena aztertu dute eta aho batez onartu dute, honela dio:

“Aurrekariak

Udaleko Diruzaintzak egindako txostenaren arabera, betearazpen bidean kobratzeke dauden zenbait eskubideren azterketa egin da, eta egiaztatu da zordun batzuk pertsona juridikoak direla eta honako egoera hauetakoren batean daudela:

- konkurtso prozedura baten ondoren iraungita,
- deseginda eta likidatuta, edo
- aktibo nahikorik gabeko konkurtso prozeduran.

Egindako kontsulten ondorioz (Merkataritza Erregistroa, Konkurtsoen Erregistro Publikoa eta BORME), ondorioztatu da zordun horien aurka diru-bilketako jarduketa eraginkorrak egitea ezinezkoa dela.

Oinarri juridikoa

Espediente hau honako araudi honetan oinarritzen da:

- Gipuzkoako Lurralde Historikoko Zergen Foru Arau Orokorra.
- Gipuzkoako Lurralde Historikoko Diru-bilketako Araudia.
- Toki-araubideari buruzko gainerako araudi aplikagarria.

Arau horien arabera, zordunaren kaudimen eza edo ondasun enbargagarriak ez egotea egiaztatzen denean, posible da kredituak kobratu ezineko kreditutzat deklaratzeko eta dagokion eskubidearen baja ematea, etorkizunean egoera aldatzen bada espedientea berriro irekitzeko aukerari kalterik egin gabe.

Edukia eta helburua

Honen xedea da Diruzaintzak egindako proposamena aztertzea, zeinaren bidez:

- zordun jakin batzuen aurkako eskubideak kobratu ezineko kreditutzat deklaratzeko diren,
- eta dagokion baja kontablea egitea proposatzen den.

Ondorioa

Aurkeztutako dokumentazioa eta Diruzaintzaren txostena aztertuta, ondorioztatzen da:

- zordunen egoera juridikoa behar bezala egiaztatuta dagoela,
- kobrantza jarduketak egitea materialki ezinezkoa dela, eta
- proposatutako neurriak bat datozela indarrean dagoen araudiarekin.



Usurbilgo Udala

2026/04/30

Ondorioz, bidezkoa da eskubide horiek kobratu ezineko kreditutzat deklaratzeko eta dagokion baja kontablea egitea, etorkizunean berriro aktibatzeke aukerari kalterik egin gabe.

2026ko apirilaren 22an egindako Antolakuntza batzordean gaia aztertu da eta horrela izan da bozketa:

Alde: Iratxe Begiristain Otegi, Agurtzane Solaberrieta Mesa, Joxe Mari Lizaso Azkonobieta, Josune Urkola Larrarte eta Petra Romero Pozo.

2026ko apirilaren 22ko Antolaketa batzordearen irizpena kontutan hartuta, Udalbatzarrak honako erabakia hartu du aho batez:

ERABAKIA

Lehena: I. eranskinean jasotako zordunen aurkako eskubideak kobratu ezineko kreditutzat deklaratzeko.

Bigarrena: eskubide horien baja kontablea egitea.”

Honela izan da bozketa:

Alde: Agurtzane Solaberrieta Mesa, Jon Mikel Azpiazu Zubeldia, Ainhoa Arrozpide Landa, Xabat Beloki Segurola, Iratxe Begiristain Otegi, Xabier Aranburu Leiva, Jose Maria Lizaso Azkonobieta, Maialen Iñarra Arregi, Ivan Iriondo Axpe, Josune Urkola Larrarte eta Petra Romero Pozo.

Beraz, erabakia aho batez hartu da.

10.- LAN HITZARMENAREN ALDAKETA ONARTZEA. GURASOTASUN BAIMENA HOBETZEA (47 ETA 48 ARTIKULUAK) (2026FLHA0001).

Batzarkideek Antolaketa batzorde informatzailearen irizpena aztertu dute eta aho batez onartu dute, honela dio:

“Ikusita

EBEPeko 38.3 artikulua eta 7/1985 Legeko 22.2.i artikulua diotena.

Kontutan hartuta

- Pertsonal teknikariaren 2026/03/26ko txostena.
- Usurbilgo udaleko langileen lan hitzarmenaren 47. eta 48. artikuluen aldaketa agiria.



Usurbilgo Udala

2026/04/30

2026ko apirilaren 22an egindako Antolakuntza batzordean gaia aztertu da eta honela izan da bozketa:

Alde: Iratxe Begiristain Otegi, Agurtzane Solaberrieta Mesa, Joxe Mari Lizaso Azkonobieta, Josune Urkola Larrarte eta Petra Romero Pozo.

2026ko apirilaren 22ko Antolaketa batzordearen irizpena kontutan hartuta, Udalbatzarrak honako erabakia hartu du aho batez:

ERABAKIA

Lehena: erabaki honi erantsita doan Usurbilgo udaleko langileen lan hitzarmenaren aldaketari (47 eta 48 artikulua, gurasotasun baimena) onespina ematea.

Bigarrena: Gipuzkoako Aldizkari Ofizialean iragarkia argitaratzea.”

Honela izan da bozketa:

Alde: Agurtzane Solaberrieta Mesa, Jon Mikel Azpiazu Zubeldia, Ainhoa Arrozpide Landa, Xabat Beloki Seguroa, Iratxe Begiristain Otegi, Xabier Aranburu Leiva, Jose Maria Lizaso Azconobieta, Maialen Iñarra Arregi, Ivan Iriando Axpe, Josune Urkola Larrarte eta Petra Romero Pozo.

Beraz, erabakia aho batez hartu da.

11.- GARBITANIA ZERO ZABOR, S.L.RI BERE UDAL BAZKIDEEK EGIN BEHARREKO JARDUERA-ENKARGUEN ARAUBIDE JURIDIKOA ARAUTZEKO HITZARMENA ONARTZEA (2026HITZ0003).

Batzarkideek Lurralde batzorde informatzailearen irizpena aztertu dute eta gehiengoz onartu dute, honela dio:

“AURREKARIAK

2026ko urtarrilaren 29ko Udalbatzak erabaki zuen Usurbilgo Udalak Garbitania, S.L. Sozietate publikoaren – bitarteko propio pertsonifikatua- partaidetzak eskuratzeko lehentasunezko eskubideari uko egitea, Oiartzungo Udala sozietatean bazkide gisa sartzea ahalbidetzeko.

2026ko Martxoaren 11ean Garbitania Zero Zabor, S.L. Sozietate publikoaren Batzar Nagusian Estatutuen aldaketa onartu zen: bazkideen osaketa eguneratu eta bitarteko propio izendatu; aipamen legala eguneratzea, eta kapital handitzea.

Hona hemen erabakiak:



Usurbilgo Udala

2026/04/30

“Lehena: Bazkideen osaketa eguneratzea. Bazkideei dagokionez, Estatutuetan egungo bazkideak jasotzea, hau da, Astigarraga, Hernani, Oiartzun eta Usurbil Garbitania Udal horien bitarteko propio eta zerbitzu teknikoa dela adieraztea.

Bigarrena: Kapital handitzea. Kapital soziala 563.000 eurotan geratuko da.

Hirugarrena. Aipamen Legala eguneratzea. Sektore Publikoko Kontratuei buruzko urriaren 30eko 30/2007 Legearen ordean, Sektore Publikoko Kontratuei buruzko azaroaren 8ko 9/2017 Legea jarri.

Laugarrena. Lankidetzako Esparru-akordioaren berariazko erreferentzia. Berariaz jasotzea Garbitaniari egin beharreko jarduera-enkarguaren araubide juridikoa arautzeko Udal bazkideek izenpetuko duten Lankidetzako Esparru-Hitzarmena.”

Behin lankidetzako hitzarmena Garbitania Zero Zabor, S.L. Sozietate Publikoaren Batzar Nagusian onartuta, bazkide diren Udalei dagokie jarduera-enkarguaren araubide juridikoa arautzeko Udal bazkideek izenpetuko duten Lankidetzako Esparru-hitzarmena onartzea.

Gaur egun indarrean dagoen hitzarmena Udalbatzak onartu zuen 2024ko urriaren 31ean, eta 2024ko azaroaren 20an sinatu zen.

LANKIDETZARAKO ESPARRU-HITZARMEN BERRIA

Hona hemen onartzea proposatzen den hitzarmenaren testua:



Lankidetzako Esparru-Hitzarmena GARBITANIA ZERO ZABOR SMri bere udal bazkideek egin beharreko jarduera-enkarguaren araubide juridikoa arautzen duena

Hernanin, 2026ko apirilaren XXn

BILDUTA:

XABIER URDANGARIN LASA JN.

XABIER LERTXUNDI ASTEASUINZARRA JN.

JOANA MENDIBOURE GARAIAR, AND.



Usurbilgo Udala

2026/04/30

AGURTZANE SOLABERRIETA MESA AND.

ESKU HARTZEN DUTE:

XABIER LERTXUNDI ASTEASUINZARRA JN., Hernaniko Udalaren izenean eta ordezkartzan.

XABIER URDANGARIN LASA JN., Astigarragako Udalaren izenean eta ordezkartzan.

JOANA MENDIBOURE GARAIAR, AND., Oiartzungo udalaren izenean eta ordezkartzan.

AGURTZANE SOLABERRIETA MESA AND., Usurbilgo udalaren izenean eta ordezkartzan.

ADIERAZTEN DUTE:

1. 2010eko maiatzaren 7an Garbitania Zero Zabor SM (aurrerantzean «Garbitania») sozietatea eratu zuten Hernani, Oiartzun eta Usurbilgo udalek, kapital sozialean, hurrenez hurren, % 49, % 33 eta % 18ko partaidetzarekin.

Estatutuen 2. artikulua arabera, sozietatearen xedea honako jarduerak osatzen dute:

A. «Hiri-hondakinen eta hondakin asimilagarrien gaikako bilketa, kudeaketa, aprobetxamendua eta tratamendua», gai horri buruzko bertako lege-xedapenak eta Europakoak beteaz.

B. Arlo horietan era guztietako aholkularitza ematea. Hondakinak biltzeko, kudeatzeko eta tratatzeko sistema espezifikoak inplementatzeko bitartekoak eta moduak zabaltea, hondakinen sorrera ahalik eta gehien murrizteko, ahalik eta birziklatze-maila handienak lortzeko eta arlo horretan indarrean dauden xedapenetako zehaztapenak hobeto betetzeko».

Sozietatea bazkide diren udalen bitarteko eta zerbitzu teknikoetatik jozen estatutu-tako 1. artikuluko bigarren eta hirugarren letrakadetan. Honela diote:

«Sektore Publikoko Kontratuei buruzko azaroaren 8ko 9/2017 Legearen 3.1 artikuluan ezarritakoarekin bat etorriz, Usurbilek, Hernanik eta Oiartzunek erakundearen kapital sozialaren partaidetza dutenez. Sozietatea sektore publikoaren barruan egongo da eta aipatutako legea aplikatuko zaio.

Horiek horrela, erakundeak Hernaniko, Oiartzungo eta Usurbilgo Udalen bitarteko propio eta zerbitzu tekniko izaera izango du».



Usurbilgo Udala

2026/04/30

2. Gaur egun, Garbitania lau udalek osatzen dute, hain zuzen: Astigarragako Udalak, Hernaniko Udalak, Oiartzungo Udalak eta Usurbilgo Udalak. Horrela, kapital sozialean gaur egun dituen partaidetzak honako hauek dira: Hernaniko Udala (% 44,41), Usurbilgo Udala (% 23,09), Astigarragako Udala (% 21,49) eta Oiartzungo Udala (% 11,01) Estatutuak aipatutako partaidetzekin bat etorriz aldatu ziren, 2026ko martxoaren 11ko Batzar Orokorraren erabakiz, eta, ondoren, eskritura publikoa egin zen 2026ko martxoaren 26n. Estatutu sozial horietan behar bezala adierazten da lau udal horien berezko bitarteko dela.
3. Garbitaniaren helburu soziala handitu egin zen 2019ko apirilaren 30eko Batzar Orokorraren erabakiz, eta eskritura publiko egin zen 2019ko maiatzaren 23an, estatutueta 2. artikuluan aipatutako jardueraz gain, honako hau ere jasota:

C. Kalea, bide publikoak eta lorategiak garbitzeko zerbitzua.

4. Baliabide propioei dagokienez, Sektore Publikoko Kontratuei buruzko azaroaren 8ko 9/2017 Legearen 32.2.d) artikulua (aurrerantzean, SPKL) ezartzen du botere adjudikatuzaileek eman diezazkieketen **enkarguen araubide juridikoa eta administratiboa arautzea**, baldin eta bitarteko propio pertsonifikatuak izaera hori badu eta erregulazio **hori estatutueta edo ente hartzailearen sortze-egintzan ezartzen bada**.
5. SPKLren 32. artikulua 4. zenbakian aurreikusitako **hainbat botere esleitzaileraren bitarteko propioaren** kasuan garrantzi berezia hartzen du eskakizun horrek; izan ere, arau horrek eskatzen duen kontrol bateratua betetzat jotzeko, **bitarteko propioa** botere esleitzaileraren horietako edozeinek agintzen dizkion **jarduketak egitera behartuta** egon behar du, hala **aurreikusita baitago sozietate-estatutu edo sozietate-itunetan**. Hau da, estatutu edo itun sozial horietatik zalantzarik gabe ondorioztatu behar da horietako edozeinek enkarguak eman diezazkiekeela, eta enkargu horiek nahitaez bete beharrekoak direla bitarteko propioarentzat.
6. Aurreko guztia ikusita eta Garbitania bere udal bazkide guztien baliabide propioa denez, beharrezkoa da udal horiek, oro har, Garbitaniari egin diezazkieketen jarduera-enkarguen araubide juridiko, ekonomiko eta administratiboa arautzea. Hori egiteko 2024ko azaroaren 20an une horretan Garbitaniako bazkide ziren hiru udal bazkideek lehenengo Lankidetzako Esparru-Hitzarmena sinatu zuten. **Gaur egungo sozietatearen egitura kontuan hartuta, hitzarmen berri bat sinatzea, aurrekoa ordezkatzeko duena beharrezkotzat hartu da.** Hori horrela, UDAL BAZKIDEEK GARBITANIA ZERO ZABOR, SM ENPRESARI EGIN BEHARREKO JARDUERA-ENKARGUEN ARAUBIDE JURIDIKO, EKONOMIKO ETA ADMINISTRATIBO HORI ARAUTZEN DUEN LANKIDETZARAKO ESPARRU-HITZARMEN HONETAN egitea erabaki da, honako hauen arabera:

XEDAPENAK



Usurbilgo Udala

2026/04/30

Lehenengoa.- Xedea.

Hitzarmen honen helburua da Garbitaniak bitarteko propio den udalekin dituen harremanen araubide juridiko, ekonomiko eta administratiboa garatzea, eta, zehazki, udalek egin diezazkioketen jarduera-enkarguena.

Garbitania behartuta egongo da bere udal bazkideek eskatzen dizkieten prestazioak egitera, sozietatea udal horien bitarteko propio pertsonifikatua den heinean, betiere gauzatzen diren jarduera-enkarguek hitzarmen honetan jasotako zehaztapenak betetzen badituzte.

Horrela, hitzarmen hau sinatzen duten udalek Garbitaniari egindako enkarguek datu pertsonalak kudeatzea badakarte, Garbitania tratamenduaren arduraduntzat (3/2018 Lege Organikoaren arabera "tratamenduaren eragile") hartuko da, eta, horretarako, informazio pertsonala kudeatzeko eta babesteko indarrean dagoen araudia bete beharko du. Kasu horretan, datu horiek eskuratzea ez da hartuko datuen komunikazio edo lagapentzat, tratamendu-enkargua gauzatzea baizik.

Hori horrela izanik, hitzarmen hau da jarduketa-enkargu oro egiteko eta nahitaez gauzatzeko derrigorrez bete beharreko zehaztapenak ezartzen dituen dokumentu arauemailea.

Udal sinatzaileek, Garbitaniako bazkide diren aldetik, eta estatutuek araubide juridiko hori zehazteko eskatzen duten betekizuna betetze aldera, konpromisoa hartzen dute sozietatearen estatutuetan, igorpen gisa, hitzarmen honen berariazko aipamen bat sartzeko, jarduteko enkarguen araubide hori arautzeko.

Garbitaniak ezin izango du parte hartu udalek deitutako lizitazio publikoetan, haien bitarteko propioa baita. Nolanahi ere, lizitatzailerik aurkeztzen ez bada, eta ondorioz lizitazioa hutsik geratzen denean, xede den prestazioa gauzatzeko eskatu ahal izango zaio.

Bigarrena.- Aplikazio-eremua.

Hitzarmen hau botere esleitzaille guztiei aplikatuko zaie, baldin eta, Garbitaniako bazkide izanik, bitarteko propio pertsonifikatu gisa aitortu badute.

Hitzarmen hau sinatzen duen edozein udalek Garbitaniako bazkide izateari utziko balio, Garbitaniak berezko bitarteko izateari utziko lioke udal horri dagokionez, eta bazkide diren gainerako udalek estatutu-aldaketa egokiak egin beharko dituzte, sozietatearen estatutuetan dagokion aipamena kentzeko. Kasu horretan, automatikoki hautsiko da Hitzarmen honekiko lotura.

Korrelatiboki, botere esleitzaille berriak sozietateko bazkide izatera pasatzen badira eta Garbitania bitarteko propio aitortzen badute, beharrezko estatutu-aldaketak egingo dira izaera horren berri emateko. Ondoren, dagokion gehigarria sinatuta, erakunde berria Hitzarmen honi atxikiko zaio.

Hirugarrena.- Enkarguen xedea.



Usurbilgo Udala

2026/04/30

Hitzarmen hau sinatzen duten udalek Garbitaniari enkarguak eman ahal izango dizkiote, hitzarmenaren xede sozialaren barruan egonik, beren eskumenak eta eginkizunak betetzeko behar dituzten lan eta jardueri buruz, bai eta osagarriak direnei buruz ere.

Jarduteko enkargu horiek, Hitzarmen honetan aurreikusitakoa errespetatzen dutenean, nahitaez bete beharrekoak izango dira Garbitaniarentzat.

Laugarrena.- Araubide juridikoa.

Egiten diren jarduera-enkarguek izaera instrumentala dute eta ez dute kontratu izaerarik, barnekoak eta mendekoak dira. Garbitania behartuta egongo da enkargu horien lanak eta jarduerak egitera.

Bostgarrena.- Ekonomia-araubidea.

Oro har, udalek agindutako obrak, lanak, laguntza teknikoak, aholkularitzak, hornidurak eta zerbitzuak egiteagatik Garbitaniak jaso beharreko konpentsazioa udal bazkide guztiek onetsitako tarifen arabera ezarriko da, dokumentu honen seigarren klausulan aurreikusitako moduan. Nolanahi ere, tarifa horiek jarduera egitearen benetako kostuak adierazi beharko dituzte. Prestazio edo jarduera jakin batzuk bitarteko propioaren bidez azpikontratatu badira, azpikontratazio horrek jasandako benetako kostuari ere erreparatuko zaio.

Zehazki, konpentsazio hauek jasoko dira:

- Klausula honen hurrengo paragrafoetan adierazten den prozeduraren arabera egindako aurrekontutik ateratzen den zenbatekoa, Garbitaniak zuzenean gauzatutako jarduketan (edo jarduketan zati baten) kasuan.
- Garbitaniak ordaindutako zenbatekoa, dokumentu honen hamargarren klausularen arabera kalkulatuta, enpresaburu partikularrek azpikontratazioaren bidez gauzatutako jarduketan kasuan (edo jarduketan zati bat).

Aurreko paragrafoko a) idatz-zatian aipatutako aurrekontua egiterakoan, honako zehaztapen hauek beteko dira:

- 1 Agindutako jarduketan gauzatze materialaren aurrekontua honako hauen baturaz osatuko da:
- 1 Jarduketei tarifak aplikatuz kalkulaturako guztizko kostu zuzenen zenbatekoa, hurrengo klausularen arabera finkatuta.
- 2 Zeharkako kostuen eta gastu orokorren ehunekoa aplikatuta ateratzen den zenbatekoa.

Zeharkako giza baliabideak zuzeneko giza baliabideen benetako



kostuaren ehunekoaren arabera hainbanatuko dira.

Gastu orokorrak, bestalde, ustiapen-kostu osoaren gainerakoari eta giza baliabideen benetako kostuari aplikatutako ehunekoaren arabera hainbanatuko dira.

- 2 Aurrekontu horri dagokion BEZa gehituko zaio, bai eta jarduera horrengatik Garbitaniak ordaindu behar dituen tasak eta zergak ere, baldin eta kengarriak ez badira.

Ondorengo klausulen arabera finkatutako tarifarik onartu ez bada, onartutako tarifa duten eta kasuan kasuko jarduketaren parte diren beste jarduketa batzuk osatzen dituzten elementuei dagokien tarifatik abiatuta baloratu ahal izango da haien kostua. Prozedura hori ere ezin bada aplikatu, horren kostua udalak onartutako aurrekontuan agertzen dena izango da, eta kostuak, beraz, enkarguari dagokion jarduketa zehatzerako bakarrik izango dira baliozkoak.

Seigarrena.- Tarifak.

Tarifak jarduera zehatzaren kostu erreal osoen (zuzeneko zein zeharkako eta gastu orokorrak) arabera kalkulatu dira.

Tarifa berriak onartzeko edo daudenak aldatzeko, administrazio-kontseiluko kideen gehiengoaren aldeko botoa beharko da.

Tarifak onartzeko erabakia honako klausula hauetan zehazten den Jarduera Plan Orokorra (hemendik aurrera, JPO) izeneko dokumentua adosten duen bera izango da. Erabaki horretan, tarifen balio-epea eta, hala badagokio, indarrean dauden bitartean dagokien eguneratze-sistema ezarriko da, betiere Espainiako ekonomia desindexatzeko martxoaren 30eko 2/2015 Legean eta hura garatzen duen araudian xedatutakoarekin bat etorritik.

Tarifa berriak ezartzeko, daudenak aldatzeko eta, lanen izaeraren arabera, berrikusteko eta onartzeko aplikatu behar diren prozedurak, mekanismoak edo formulak zehazteko lanak administrazio-kontseiluko kide gehienen onespena beharko dute.

Zazpigarrena.- Enkargua prestatzea eta formalizatzea.

Nahitaezko jarduketa-enkarguak egiteko prozedurari dagokionez, enkarguak egingo dituzten udalek behar besteko zehaztasunez definitutako dituzte JPO izeneko dokumentu batean. Dokumentu hori urtero egingo da, eta dagokion aurrekontuan baloratuko dira, bosgarren xedapenean aipatutako sistemaren arabera.

Enkargua formalizatu eta Garbitaniari jakinarazi aurretik, udalak agiri horiek onartzeko beharrezko diren udal izapideak egin beharko ditu. Alegia, nahitaezko izapide teknikoak, juridikoak, aurrekontukoak eta gastua kontrolatu eta onartzekoak.



Usurbilgo Udala

2026/04/30

Enkargua aipatutako JPOn formalizatu beharko da, eta dokumentu horren bertsio bat SPKLren 63.6 artikuluan aurreikusitako moduan argitaratuko da.

Ondorio horietarako, Udalek ezingo diote Garbitaniari enkargu formalik gabeko jarduketa materialik egiten hastea eskatu eskumena duen organoaren enkargurik gabe.

Nahitaezko jarduketa bakoitzaren enkargua formalki jakinaraziko dio Garbitaniari enkargua egiten dion udalak, eta, horrekin batera, lehen aipatutako formalizazio-dokumentua aurkeztuko du, honako hauek jasoko dituen: jarduera-proiektua, kronograma, udalarentzako exekuzio-aurrekontua, bai eta gauzatzeko behar den beste edozein dokumentazio ere, guztiak organo eskudunak sinatuta.

Dokumentazio horretan, besteak beste, egin beharreko jarduerak, unitate arduradunak eta horien aurrekontua jaso beharko dira, bai eta jarduera horiek gauzatzeko ardura duten pertsonak edo zerbitzuak ere.

JPOn aurreikusi ez diren eta hurrengo onartu aurretik gauzatu behar diren jarduketan kasuan, honela jokatu da, JPOn onartutako gainerako jarduketei modu esanguratsuan eragiten dien ala ez kontuan hartuta:

- Dagoeneko onartutako jarduketan plangintzan edo gauzatzean eraginik ez duten jarduketan kasuan, horiek gauzatzeko aurrekontua eta ekintza-plana egingo dira. Agiri horien onarpenak hasteko agindua ekarriko du. Administrazio-kontseiluari horien berri emango zaio agindua eman ondoren egiten den lehenengo bilkuran.
- Onartutako JPOn jasotakoari orokorrean eragiten dieten jarduketan kasuan, JPO bera onartzeko gauzatutako prozedura bera jarraitu beharko da.

Zortzigarrena.- Enkargua gauzatzea eta ordaintzea.

Enkargua egiten duen udalak lanen zuzendaria izenda dezake. Garbitaniak bere jarduketak aurreko klausulan aipatutako agirien eta udalak enkargu horretarako izendatutako lanen zuzendariaren jarraibideen arabera egingo ditu.

Enkarguaren xede diren lanen edo jarduketan izaeraren arabera, gauzatutakoaren harrera edo adostasuna egiaztatzeko helburuarekin, udalak formalitate jakin batzuk betetzeko eskatu ahal izango du, komenigarritzat jotzen duen aldizkakotasunarekin. Era berean, enkargua egin duen udalak gauzatzearen eta aurrekontuaren betetze-mailaren egoera jasoko duen hileroko txostena eskatu ahal izango du. Txosten hori eskatzen bada, jarduketa onartutzat joko da, baldin udalak kontrakorik adierazten ez badu, eta, enkarguan jaso gisa, exekuzioarekin jarraitzeko agindua izango da.

Enkargua zuzendu edo aldatu behar izanez gero, enkargua onartzeko eskatzen den prozedura bera erabili beharko da.

Egindako lanen zenbatekoa enkargua ematen duen udalak ordainduko du,



Usurbilgo Udala

2026/04/30

dagokion jarduera osorik edo zati batean egin eta hurrengo 30 eguneko epean.

Enkargua egin duen udalak egokitzat jotzen badu, jarduketa amaitu ondoren egiaztatu egingo da, eta, hala dagokionean, jaso izanaren egintza gauzatuko da dagokion dokumentuan. Ondoren, likidazioa egingo da, enkarguaren beraren edo udalak erabakitakoaren arabera.

Garbitaniak, enkargua egiten duen udalaren nahierara, aurrerakinak jaso ahal izango ditu enkarguak gauzatzeko egindako prestaketa-eragiketengatik, enkargua ematen duen udalaren aurrekontu-araudian aplikagarri den gehieneko mugaraino.

Bederatzigarrena.- Baliabide propioaren eta zerbitzu teknikoaren izaeraren ondoriozko betebeharrak.

Garbitaniak honako hauek bete beharko ditu bere izenean, udal bazkideen kontura, hitzarmen honetan eta formalizatutako enkarguetan adostutakoari jarraiki:

- a) Eskatzen zaion zerbitzu publikoa eskaintzea.
- b) Zerbitzua eskaintzean gertatzen diren gorabehera guztien berri ematea dagokion udalari.
- c) Aholkularitza teknikoa eta lankidetzak eskaintzea udal organo eskudunei zerbitzuarekin zerikusia duten gaien inguruan.
- d) Aholkularitza teknikoa eta lankidetzak eskaintzea udal-teknikariei edo alkateek izendatutako pertsonari, sozietatearen helburu sozialarekin zerikusia duten gaietan
- e) Legea eta kontabilitate-printzipioak betez, urteko kontuen memoria eta araudia betetzeari buruzko txostena aurkeztea, honako eremuei dagokienez: aurrekontua, finantza- eta zor-eragiketak, langileen kontratazioa eta zerbitzuen eta horniduren kontratazio publikoa.
- f) Urteko jardueraren ikuskaritza-txostena aurkeztea.

Hamargarrena.- Hirugarrenekin azpikontratatzeari.

Udalek egiten dituzten enkarguak gauzatzean, Garbitaniak hirugarrenekin azpikontratatu ahal izango du, baina azpikontratazio horrek ezin izango du enkarguaren zenbatekoaren % 50 gainditu, SPKLren 32.7 artikuluan aurreikusitako baldintzetan eta salbuespenekin.

Azpikontratazioaren xede diren jarduketan aurrekontuan sartutako zenbatekoa esleipen-prezioarekin ordeztuko da ziurtagirietan edo harrera-agirian, zeharkako kostuen eta gastu orokorren ehunekoak gehituta.

Hamaikagarrena.- Hitzarmenaren indarraldia.



Usurbilgo Udala

2026/04/30

Administrazio arteko hitzarmen honek lau urteko indarraldia du, baina, edozein unetan, epe hori amaitu baino lehen, sinatzaileek aho batez erabaki dezakete hitzarmena luzatzea, gehienez beste lau urtez. Nolanahi ere, hitzarmena azkentzeak ez du eraginik izango haren babesean egindako jarduera-enkarguen indarraldian.

Hamabigarrena.- Esparru-Hitzarmena aldatzeko araubidea.

Esparru-Hitzarmena aldatu ahal izateko, udal sinatzaileek aho batez hartu beharko dute erabakia.

Hamahirugarrena.- Jarraipen-Batzordea.

Alderdiek Esparru-Hitzarmenaren betearazpenaren Jarraipen-Batzordea eratzea adostu dute. Administrazio-kontseiluko kideek osatuko dute batzorde hori.

Jarraipen-Batzorde horrek zeregin hauek izango ditu:

- Esparru-Hitzarmena betetzen dela zaintzea, eta interpretazioari, betetzeari eta gauzatzeari buruz sor daitezkeen zalantzak argitzea.
- Esparru-Hitzarmenaren betetze-maila eta exekuzio-maila aztertzea.
- Udal sinatzaileek kasu bakoitzean zehazten duten beste edozein eginkizun.

Jarraipen-Batzordeak berak ezarriko ditu bere funtzionamendurako barne-arauak, Sektore Publikoaren Araubide Juridikoaren urriaren 1eko 40/2015 Legearen 15. artikuluan eta hurrengoetan xedatutako esparruaren barruan.

Batzordeak hitzarmena betearazteko jarraipen-, zaintza- eta kontrol-mekanismoa hartuko du kontuan, Sektore Publikoaren Araubide Juridikoaren urriaren 1eko 40/2015 Legearen ondorioetarako.

Hamalauugarrena.- Esparru-Hitzarmena iraungitzea.

Sektore Publikoaren Araubide Juridikoaren urriaren 1eko 40/2015 Legearen 51. eta 52. artikuluetan xedatutakoaren arabera arautuko dira Esparru-Hitzarmena azkentzea eta haren ondorioak.

Hamabosgarrena.- Hitzarmenaren izaera eta araubide juridikoa.

Esparru-Hitzarmena Sektore Publikoaren Araubide Juridikoaren urriaren 1eko 40/2015 Legearen 47. artikuluari eta hurrengoei eta aplikatzekoa den toki-araubidearen araudiari lotuta dago.

Hitzarmen hau administratiboa da, eta ordenamendu juridiko administratiboaren arabera interpretatu eta garatuko da.

Hamaseigarrena.- Gatatzak konpontzea.



Usurbilgo Udala

2026/04/30

Alderdiek konpromisoa hartzen dute, Esparru-Hitzarmen hau betetzeari dagokionez, sor daitezkeen desadostasunak hamabigarren puntuan aurreikusitako Jarraipen Batzordean konpontzeko.

Horretarako, elkarrizketa eta negoziazioaren bideak zein eskura dituzten bitarteko guztiak erabiliko dira. Gatazkarik sortuz gero, administrazioarekiko auzien jurisdikzio-organismoek izango dute sortzen diren auzigaien gaineko kompetentzia.

Horren fede emanez, alderdiek Esparru-Hitzarmena sinatzen dute Hernanin, **2026ko XXXXX**, bost aletan, alde bakarrean inprimatutako paper arrunteko orri guztietan, goian adierazitako tokian eta egunean.

**Agurtzane
Solaberrieta Mesa**

**Xabier Lasa
Urdangarin**

**Xabier Lertxundi
Asteasuinzarra**

**Joana
Mendiboure
Garaiar**

UDAL IDAZKARIAREN TXOSTENA

Udal idazkariak, Leire Ucin Soraluze andereak, 2026ko apirilaren 15ean eman du bere txostena. Hitez hitz honela dio:

Garbitania Zero Zabor, S.L.ri bere udal bazkideek egin beharreko jardueraren enkarquen araubide juridikoa arautzeko hitzarmena Idazkariaren txostena

Aurrekariak

2026ko urtarrilaren 29ko Udalbatzak erabaki zuen Usurbilgo Udalak Garbitania, S.L. Sozietate publikoaren – bitarteko propio pertsonifikatua-partaidetzak eskuratzeko lehentasunezko eskubideari uko egitea, Oartzungo Udala sozietatean bazkide gisa sartzea ahalbidetzeko.

2026ko Martxoaren 11ean Garbitania Zero Zabor, S.L. Sozietate publikoaren Batzar Nagusian Estatutuen aldaketa onartu zen: bazkideen osaketa eguneratu eta bitarteko propio izendatu; aipamen legala eguneratzea, eta kapital handitzea.

Hona hemen erabakiak:

“Lehen: Bazkideen osaketa eguneratzea. Bazkideei dagokionez, Estatutuetan egungo bazkideak jasotzea, hau da, Astigarraga, Hernani, Oartzun eta Usurbil Garbitania Udala horien bitarteko propio eta zerbitzu tekniko delako adieraztea.

Bigarrena: Kapital handitzea. Kapital soziala 563.000 eurotan geratuko da.

Hirugarrena. Aipamen Legala eguneratzea. Sektore Publikoko Kontratuei



Usurbilgo Udala

2026/04/30

buruzko urriaren 30eko 30/2007 Legearen ordean, Sektore Publikoko Kontratuei buruzko azaroaren 8ko 9/2017 Legea jarri.

Laugarrena. Lankidetzako Esparru-akordioaren berariazko erreferentzia. Berariaz jasotzea Garbitaniari egin beharreko jarduera-enkarguaren araubide juridikoa arautzeko Udal bazkideek izenpetuko duten Lankidetzako Esparru-Hitzarmena.”

Behin lankidetzako hitzarmena Garbitania Zero Zabor, S.L. Sozietate Publikoaren Batzar Nagusian onartuta, bazkide diren Udalei dagokien jarduera-enkarguaren araubide juridikoa arautzeko Udal bazkideek izenpetuko duten Lankidetzako Esparru-hitzarmena onartzea.

Gaur egun indarrean dagoen hitzarmena Udalbatzak onartu zuen 2024ko urriaren 31ean, eta 2024ko azaroaren 20an sinatu zen.

Oinarri juridikoak

Lehena.- araudi aplikagarria

Aplikatu beharreko oinarriko legeria honako hau da:

1. 7/1985 Legea, apirilaren 2koa, Toki Araubidearen Oinarriak Arautzen dituenak
2. Euskadiko Toki Erakundeetako buruzko apirilaren 7ko 2/2016 Legeak
3. Sektore Publikoko Kontratuei buruzko azaroaren 8ko 9/2017 Legea.
4. 39/2015 Legea, urriaren 1ekoa, Herri Administrazioen Administrazio Prozedura Erkideari buruzkoa
5. 40/2015 Legea, urriaren 1ekoa, Sektore Publikoaren Araubide Juridikoari buruz
6. 781/1986 Legegintzako Errege Dekretua, apirilaren 18koa, Toki Araubideari buruz indarrean dauden Lege Xedapenen Testu Bategina onetsi duena.

Bigarrena.- Eskumena.

Erakunde bati bitarteko propio pertsonifikatuaren izaera baimentzeko eta aitortzeko eskumena erakunde nagusiari dagokio, kasu honetan, Usurbilgo Udalarik. Bitarteko hori berariaz aitortu behar da erakundea sortzeko estatutuetan edo arauan. Kasu honetan, agerikoa da indarrean zegoen araubide juridikoa iraungi egin dela legearen hitzez-hitzekotasunari erreparatuta.(40/2015 Legea, urriaren 1ekoa, Sektore Publikoko Araubide Juridikoarena, 49.h) 1. artikulua).

Usurbilgo Udalarik udalbatzari dagokio erakundearen hitzarmen berria onesteko eskumena, Toki Araubidearen Oinarriak arautzen dituen apirilaren 2ko 7/1985 Legearen 22. artikuluan b) eta p) idatz-zatien arabera.

Erabakia gehiengo osoz hartu behar da, Toki Araubidearen Oinarriak arautzen dituen apirilaren 2ko 7/1985 Legearen 47.2 g) artikuluan aurreikusitakoaren arabera.



Hirugarrena.- Gaiaren azterketa.

Eskumenari dagokionez: Euskadiko Toki Erakundeei buruzko apirilaren 7ko 2/2016 Legearen 17.1 artikulua honako hau dio: «Lege honetan eta aplikatu beharreko legerian xedatutakoaren esparruan, udalerriek eskumen propioak baliatu ahal izango dituzte honako eremu material hauetan: 16) Argiteria publikoa, bide-garbiketa, biztanle-guneetako sarbideak, kale-zoladura eta parkeak eta lorategiak antolatzea eta kudeatzea eta zerbitzu horiek ematea. 17) Udal-hondakinak edo hiri-hondakin solidoak bildu eta tratatzeko zerbitzuak antolatzea, kudeatzea, ematea eta kontrolatzea, eta hondakin gutxiago sortzeko plangintza programazioa eta diziplina ezartzea».

Sektore Publikoko Kontratuen Legearen 32. artikuluko 2., 4. eta 6. paragrafoetan aurreikusitako baldintzak betetzea.

Bitarteko propio pertsonifikatuei egindako enkarguak edo SPKLren (32. eta 33. artikulua) terminologiako «lankidetzak bertikaleko sistemak» (eragin praktikoa handia duen administrazio-kudeaketako tekniketako bati egiten zaio erreferentzia).

Lankidetzak bertikaleko harreman horien bidez, zenbait baldintza betetzen dituzten sektore publikoko erakundeek, auto-antolaketa duten ahalmena erabiliz, beren baliabide pertsonifikatuei eska diezaiekete kontratu-prestazio jakin batzuk egiteko (obra-kontratuei, hornidurei, zerbitzuei, obra-emakidari eta zerbitzu-emakidari dagozkienak) (lege horretako 31.1.a) artikuluan aurreikusten da).

32.4 artikulua betekizunak arautzen ditu:

«4. Elkarrekiko independenteak diren bi botere adjudikatzailearen edo gehiagoren bitarteko propio pertsonifikatutzat hartuko dira baldintza hauek guztiak betetzen dituzten zuzenbide publikoko zein zuzenbide pribatuko pertsona juridikoak:

a) Mandatuak eman diezazkioketen botere adjudikatzaileek beren zerbitzu edo unitate propioekiko izan lezaketan antzeko kontrol bat izatea, batera, horien hartzailea den entearen gainean. Baterako kontrol bat izateko honako baldintza hauek guztiak bete behar dira:

1. Mandatuaren hartzaile den entearen erabakitze-organoetan ordezkaritza izatea hari mandatuak eman ahal dizkieten ente guztiak; halakoetan, ordezkarik bakoitzak azken horietako batzuk edo guztiak ordezkatu ahal ditu.

2. Azken horiek zuzenean eta batera eragin erabakigarria eduki ahal izatea mandatuaren hartzaile den entearen helburu estrategikoei eta erabaki garrantzitsuei buruz.

3. Mandatuaren hartzaileak ez izatea mandatuak eman ahal dizkieten entearen interesen aurkakoak diren interesak.



Ordaindu beharreko konpentsazioa ezartzeko, tarifa hauek hartuko dira erreferentziazat: bitarteko propio pertsonifikatuak nagusi duen erakunde publikoak onetsita dauzkanak bitarteko propioak zuzenean egiten dituen eta mandatuaren xede diren jardueretarako. Eta, horretarako, mandatuaren xede diren eta enpresaburu partikularrekin azpikontratzen diren jardueretarako bitarteko propioak jasandako egiazko kostuari erreparatuko zaio, erregelamenduz erabakitzen den eran erreparatu ere, kostu hori txikiagoa denean azpikontratutako jardueri tarifak aplikatuz heldu dena baino.

Tarifa horiek, betiere, bitarteko propioak zuzenean ekoiztiko unitateak egiteko benetako kostuak jasotzeko moduan kalkulatu dira.

b) Mandatuaren hartzailea den entearen jardueren ehuneko 80 baino gehiago egin daitezela hura kontrolatzen duten botere adjudikatzailerak –edo botere adjudikatzailerak horiek bere kontrolatutako beste pertsona juridiko batzuek– emandako eginkizunak betez. Ehuneko 80 hori artikuluan honen 2. apartatuaren b) letran ezarritakoaren arabera kalkulatu da».

32.6 artikulua, gainera, honako hau xedatzen du:

«6. Mandatuaren hartzailea den entearen jardueren ehuneko 80 baino gehiago egin daitezela hura kontrolatzen duten botere adjudikatzailerak –edo botere adjudikatzailerak horiek bere kontrolatutako beste pertsona juridiko batzuek– emandako eginkizunak betez. Ehuneko 80 hori artikuluan honen 2. apartatuaren b) letran ezarritakoaren arabera kalkulatu da.

a) Baliabide propio pertsonifikatuak dagokion kontratazio-plataforman honako hauek eduki beharko ditu argitaratuta: halakoaren izaera duela; zer botere adjudikatzaileretikiko duen izaera hori, eta zer jarduera-sektoreetikiko izango litzatekeen gai mandatuaren xede diren prestazioak emateko, hain zuzen bere xede sozialean sartzen direlako.

b) Mandatua agiri baten bidez formalizatu da, eta agiri hori dagokion kontratazio-plataforman argitaratu da 63.6 artikuluan aurreikusitako kasuetan. (SPKLren 63.6 artikulua adierazten du, halaber, bitarteko propioen bidez egindako enkarguen zenbatekoa 50.000 eurotik gorakoa bada, BEZik gabe, kontratatzailearen profileen argitaratu dela). Mandatua formalizatzeko agiriak mandatuaren iraupen-epea ezarriko du.

c) Artikulu honek c) eta d) hizkietan ezarritako betekizunak konpliztea. Hau da:

c) Mandatuaren hartzailea pertsonifikazio juridiko-pribatuko erakunde bat denean, gainera, haren kapital edo ondare osoak titulartasun edo ekarpen publikokoa izan beharko du.

d) Mandatuaren hartzaile den erakundea bitarteko propio pertsonifikatua da mandatua ematen duen botere adjudikatzailerak zehatzari dagokionez, eta berriaz aitortu beharko da estatutuetan edo sortze-egintzetan, honako baldintza hauek bete ondoren:



Usurbilgo Udala

2026/04/30

1. Bitarteko propio izango den botere adjudikatzailerean adostasun edo baimen espresua.

2. Erakunde publikoak egiaztatzea bere bitarteko propioa izango den erakundea menpean duela giza baliabide eta baliabide material egokiak dituela mandatuak bere helburu sozialaren arabera egiteko.

Mandatuaren hartzailea den entearen estatutuetan edo sortze-egintzan honako hauek zehaztu beharko dira: zer botere adjudikatzailerekiko duen izaera hori; eman dakizkiekeen enkarguen araubide juridikoa eta administratiboa zehaztu beharko ditu; eta bitarteko propio pertsonifikatutzat duen botere adjudikatzailereak deitutako lizitazio publikoetan parte hartzeko ezintasuna ezarri beharko du, hargatik eragotzi gabe lizitatzailerik aurkezten ez denean haien xede den prestazioa gauzatzeko enkargua ematea.

Nolanahi ere, letra honen 2. zenbakian ezarritako baldintza betetzen duela ulertuko da dauzkan talde, azpitalde eta kategoriei dagokien sailkapena lortu duenean.

Espedientean jasota dago SPKLren 32.2, 32.4 eta 32.6 artikuluetako baldintzak betetzen direla.

ERABAKI PROPOSAMENA

Aipatu guztiagatik, proposatzen dut UDAL OSOKO BILKURAK akordio hau hartzea :

Lehenengoa. Garbitania Zero Zabor, S.L. bitarteko propioari egin beharreko jarduera-enkarguen araubide juridikoa arautzen duen lankidetzako esparru-hitzarmen berria onartzea, bitarteko propioak eta Astigarraga, Hernani, Oiartzun eta Usurbilgo udalek sinatu beharrekoa.

Bigarrena.- Alkateari ahalmena ematea esparru-hitzarmena sinatzeko, eta hori garatzeko beharrezko diren agiri guztiak sinatzeko ere, egin beharreko enkarguei dagozkienak izan ezik, horiek organo eskudunak onartu beharko baititu alde zurretik.

Hirugarrena.- Jarduera-enkarguen araubide juridikoa arautzeko Garbitania Zero Zabor S.L. bitarteko propioak eta Hernaniko, Usurbilgo eta Astigarragako Udalek – 2024ko azaroaren 20an sinatutako esparru-hitzarmena indarririk gabe uztea, esparru-hitzarmen berria indarrean jartzen denean.

Hau da sinatzen duen idazkariaren iritzia, zuzenbidean hobeto oinarritutako beste irizpideren baten kalterik gabe.

Usurbilen, sinadura datan.



Usurbilgo Udala

2026/04/30

Udal idazkariak

Guzti hau ikusirik, Lurraldea Batzordeak, 2026ko apirilaren 21ean egindako bilkuran, Ainhoa Arrozpide, Iratxe Begiristain eta Petra Romeroren aldeko botoekin, eta Xabier Otxoaren aurkako botoarekin onartutako irizpena kontutan hartuta, Udalbatzarrak honako erabakia hartu du gehiengoz:

ERABAKIA

LEHENDABIZI.- Garbitania Zero Zabor, S.L. bitarteko propioari egin beharreko jarduera-enkarguen araubide juridikoa arautzen duen lankidetzako esparru-hitzarmen berria onartzea, bitarteko propioak eta Astigarraga, Hernani, Oiartzun eta Usurbilgo udalek sinatu beharrekoa.

BIGARRENA.- Alkateari ahalmena ematea esparru-hitzarmena sinatzeko, eta hori garatzeko beharrezko diren agiri guztiak sinatzeko ere, egin beharreko enkarguei dagozkienak izan ezik, horiek organo eskudunak onartu beharko baititu aldez aurretik.

HIRUGARRENA.- Jarduera-enkarguen araubide juridikoa arautzeko Garbitania Zero Zabor S.L. bitarteko propioak eta Hernaniko, Usurbilgo eta Astigarragako Udalek – 2024ko azaroaren 20an sinatutako esparru-hitzarmena indarrrik gabe uztea, esparru-hitzarmen berria indarrean jartzen denean.

LAUGARRENA.- Erabaki hau komunikatzea Astigarragako, Hernaniko eta Oiartzungo Udalei eta Garbitania Zero Zabor, S.L. enpresari.”

Honela izan da bozketa:

Alde: Agurtzane Solaberrieta Mesa, Jon Mikel Azpiazu Zubeldia, Ainhoa Arrozpide Landa, Xabat Beloki Seguroa, Iratxe Begiristain Otegi, Xabier Aranburu Leiva, Jose Maria Lizaso Azconobieta, Maialen Iñarra Arregi eta Petra Romero Pozo.

Aurka: Ivan Iriondo Axpe eta Josune Urkola Larrarte.

Beraz, erabakia gehiengoz hartu da.

12.- ESKAERAK ETA GALDERAK.

Ez dago.

Eztabaidarako gaiak amaiturik, alkateak batzarraldia bukatutzat eman du arratsaldeko 18:25ean. Eta aztertutakoa eta erabakitakoa jasota gera dadin akta hau jaso da, idazkariak izenpetuz, alkatearen oniritziarekin.